

百川學海

五

隋遺錄
翰林志
退朝錄
上中下

漢書門	三	三	三	三
類	四	六	七	三
號	四	六	七	三
函	四	六	七	三
架	四	六	七	三
冊	四	六	七	三

內閣文庫	漢書
三	三
七	一
〇	四
函	三
一	四
七	冊
架	號
冊	類

內閣文庫	
番號	漢 3144
冊數	33(5)
函號	370 35

乙集

二





A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





隋遺錄

唐 顏師古撰 明 吳文光閱

大業十二年煬帝將幸江都命越王侑留守東都宮
 女半不隨駕爭泣留帝言遼東小國不足以煩大駕
 願擇將征之攀車留惜指血染鞅帝意不回因戲飛
 帛題二十字賜守宮女云我夢江都好征遼亦偶然
 但存顏色在離別只今年車駕既行師徒百萬前驅
 大橋未就則命雲屯將軍麻叔謀濬黃河入汴堤使
 勝巨艦叔謀銜命甚酷以鐵脚木鸞試彼淺深鸞止

謂濬河之夫不忠隊伍死冰下至今兒啼聞人言麻
胡來卽止其訛言畏人皆若是帝離都旬日幸宋何
妾所進車車前隻輪高廣踈釘爲刃後隻輪庫下以
柔榆爲之使滑勁不滯使牛御馬名車自都抵汴郡日
進御車女車轆垂鮫綃網雜綴片玉鳴鈴行搖玲瓏
以混車中笑語冀左右不聞也長安貢御車女袁寶
兒年十五腰肢纖墮駃憇多態帝寵愛之特厚時洛
陽進合蒂迎輦花云得之嵩山塢中人不知名採者
異而貢之會帝駕適至因以迎輦名之花外殷紫內
素膩菲芬粉葉心深紅跗爭兩花枝榦烘翠類通草
無刺葉圓長薄其香氣穠芬馥或惹襟袖移日不散
嗅之令人不多睡帝令寶兒持之號曰司花女時詔
虞世南草征遼指揮德音救於帝側寶兒注視久之
帝謂世南曰昔傳飛燕可掌上舞朕常謂儒生飾於
文字豈人能若是乎及今得寶兒方昭前事然多愁
態今注目於卿卿才人可便嘲之世南應詔爲絕句
曰學畫鷗黃半未成垂肩鞞袖太憇生緣憇却得君
王惜長把花枝傍輦行上大悅至汴帝御龍舟蕭妃

乘鳳舸錦帆綵纜窮極侈靡舟前爲舞臺臺上垂蔽
日簾簾卽蒲澤國所進以負山蛟睫紉蓮根絲貫小
珠間睫編成雖曉日激射而光不能透每舟擇妙麗
長白女子千人執雕板鏤金楫號爲殿脚女一日帝
將登鳳舸凭殿脚女吳絳仙肩喜其柔麗不與羣輩
齒愛之甚久不移步絳仙善畫長蛾眉帝色不自禁
回輦召絳仙將拜嬖好適值絳仙下嫁爲玉工萬羣
妻故不克諧帝寢興罷擢爲龍舟首楫號曰崆峒夫
人由是殿脚女爭效爲長蛾眉司宮吏日給螺子黛
五斛號爲蛾綠螺子黛出波斯國每顆值十金後僂
賦不足雜以銅黛給之獨絳仙得賜螺黛不絕帝每
倚簾視絳仙移時不去顧內謁者云古人言秀色若
可餐如絳仙真可療飢矣因吟持楫篇賜之曰舊曲
歌桃葉新粧艷落梅將身倚輕楫知是渡江來詔殿
脚女千輩唱之昔越溪進耀光綾綾紋突起有光彩
越人乘樵風舟泛於石帆山下收野繭繰之繰絲女
夜夢神人告之禹穴三千年一開汝所得野繭卽江
淹文集中壁魚所化也絲織爲裳必有奇文織成果

符所夢故進之帝獨賜司花女洎絳仙它姬莫預蕭
妃恚妬不懌由是二姬稍稍不得親幸帝嘗醉遊諸
宮偶戲宮婢羅羅者羅羅畏蕭妃不敢迎帝且辭以
有程姬之疾不可薦寢帝乃嘲之曰箇人無賴是橫
波黛染隆顛簇小蛾幸好畱儂伴成夢不畱儂住意
如何帝自達廣陵宮中多效吳言因有儂語也帝昏
湏滋深往往爲妖祟所惑嘗遊吳公宅鷄臺恍惚間
與陳後主相遇尚喚帝爲殿下後主戴單紗皂幘青
綽裒長裾綠錦純緣紫紋方平履舞女數十許羅侍

左右中一女迥美帝屢目之後主云殿下不識此人
耶卽麗華也每憶桃葉山前乘戰艦與此子北渡爾
時麗華最恨方倚臨春閣試東郭魏紫毫筆書小研
紅綃作答江令璧月句未終見韓擒虎躍青驄駒擁
萬甲直來衝人都不存去就便至今日俄以綠文測海
蠡酌紅梁新醞勸帝帝飲之甚歡因請麗華舞玉樹
後庭花麗華白後主辭以拋擲歲久自井中出來腰
肢依巨無復往時姿態帝再三索之乃徐起終一曲
後主問帝蕭妃何如此人帝曰春蘭秋菊各一時之

附遺金
秀也。後主復誦詩十數篇，帝不記之。獨愛小窻詩及寄侍兒碧玉詩。小窻云：午醉醒來晚，無人夢自驚。夕陽如有意，偏傍小窻明。寄碧玉云：離別腸應斷，相思骨合銷。愁魂若飛散，憑仗一相招。麗華拜求帝一章，帝辭以不能麗華笑曰：嘗聞此處不畱儂，會有畱儂處。安可言不能，帝強爲之。操觚曰：見面無多事，聞名爾許時。坐來生百媚，實箇好相知。麗華捧詩頽然不懌。後主問帝：龍舟之遊樂乎？始謂殿下致治在堯舜之上，今日復此逸遊，大抵人生各圖快樂，曩時何見罪之深邪？三十六封書至今使人怏怏不悅。帝忽悟此之云：何今日尚目我爲殿下，復以往事訊我邪？隨叱聲恍然不見。

帝幸月觀，烟景清朗，中夜獨與蕭妃起臨前軒，簾櫳不開，左右方寢。帝凭妃肩說東宮時事，適有小黃門映薔薇鼓調宮婢衣帶爲薔薇骨結笑聲吃吃不止。帝望見腰肢纖弱，意爲寶兒有私，帝披單衣亟行擒之，乃宮婢雅孃也。迺入寢殿，蕭妃諗笑不知止。帝因曰：往年私幸，妾孃時情態正如此。此時雖存性命不

復惜矣。後得月賓被伊作意態不徹。是時儂伶心不減。今復對蕭娘情態。曾効劉孝綽爲雜憶詩。常念與妃妃記之否。蕭妃承問卽念云。憶睡時待來剛不來。郇粧仍索伴。解佩更相催。博山思結夢。沉水未成灰。又云。憶起時。投籤初報曉。被惹香黛殘。枕隱金釵裏。笑動上林中。除却司晨鳥。帝聽之咨嗟云。日月遄逝。今來已是幾年事矣。妃因言聞說方外羣盜不少。幸帝圖之。帝曰。儂家事一切已託楊素了。人生能幾何。縱有他變。儂終不失作長城公。汝無言外事也。帝嘗幸

昭明文選樓車駕未至。先命宮娥數千人昇樓迎侍。微風東來。宮娥衣被風綽。直泊肩項。帝睹之色荒。愈熾。因此乃建迷樓。擇下俚稚女居之。使衣輕羅單裳。倚檻望之。勢若飛舉。又藝名香於四隅。烟氣霏霏。常若朝霧未散。謂爲神仙境界。不我多也。樓上張四寶帳。帳各異名。一名散。春愁。二名醉。忘歸。三名夜。酣香。四名延。秋月。妝奩。寢衣。帳各異製。帝自達廣陵。沉湎失度。每睡須搖頓四體。或歌吹齊鼓。方就一夢。侍兒韓俊娥尤得帝意。每寢必召令振聳支節。然後成寢。別

賜名爲來夢。兄蕭妃常密訊俊娥曰：帝體不舒，汝能安之，豈有他媚？俊娥畏威，進言：妾從帝自都城來，見帝嘗在何安車，車行高下不等，女態自搖，帝就搖，怡悅。妾今幸承皇后恩德，侍寢帳下，私效車中之態，以安帝耳，非他媚也。他日蕭后誣罪去之，帝不能止，暇日登迷樓，憶之，題東南柱二篇云：黯黯愁侵骨，綿綿病欲成。須知潘岳鬢，強半爲多情。又云：不信長相憶，絲從鬢裡生。閑來倚樓立，相望幾含情。殿脚女自至廣陵，悉命備月觀行宮，由是絳仙等亦不得親侍寢。

殿有郎將自瓜州宣事，廻進合歡水果一器。帝命小黃門以一雙馳騎，賜絳仙。遇馬急搖，解絳仙拜，賜不然。因附紅箋小簡上進，曰：驛騎傳雙果，君王寵念深。寧知辭帝里，無復合歡心。帝省章，不悅。顧黃門曰：絳仙如何來辭怨之深也？黃門懼拜而言曰：適走馬搖動及月，觀果已離解，不復連理。帝意不解，因言曰：絳仙不獨貌可觀，詩意深切，乃女相也。亦何謝？左貴嬪乎？帝於宮中嘗小會爲折字，令取左右離合之意。時杏孃侍側，帝曰：我取杏字爲十八日。杏孃復解羅字。

爲四維帝顧蕭妃曰爾能折朕字乎不能當醉一盃
妃徐曰移左畫居右豈非淵字乎時人望多歸唐公
帝聞之不懌乃言吾不知此事豈爲非聖人邪於是
奸蠹起於內盜賊攻於外直閣裴虔通虎賁郎將司
馬德勤等引左右屯衛將軍宇文化及將謀亂因請
放官奴分直上下帝可奏卽宣詔云門下寒暑迭用
所以成歲功也日月代明所以均勞逸也故士子有
遊息之談農夫有休勞之節各爾髦衆服役甚勤執
勞無怠埃塈溢於爪髮蟣虱結於兜鍪朕甚憫之俾
爾休番從便億戲無煩方朔滑稽之請而從衛士遞
上之文朕於侍從之間可謂恩矣可依前件事是有
焚草之變

右大業拾遺記者上元縣南朝故都梁建瓦棺寺
閣閣南隅有雙閣閉之忘記歲月會昌中詔折浮
圖因開之得筍筆千餘頭中藏書一帙雖皆隨手
靡潰而文字可紀者乃隋書遺稿也中有生白藤
紙數幅題爲南部烟花錄僧志徹得之及焚釋氏
羣經僧人惜其香軸爭取紙尾折去視軸皆有魯

郡文忠顏公名題云手寫是錄卽前之筍筆可不
舉而知也志微得錄前事及取隋書校之多隱文
特有符會而事頗簡脫豈不以國初將相爭以王
道輔政顏公不欲華靡前迹因而削乎今堯風已
還德車斯駕獨惜斯文湮沒不得爲詞人才子談
柄故編云大業拾遺記本文缺落凡十七八悉而
補之矣

隋遺錄終

翰林志

唐李肇撰 武林潘之淙閱

昔宋昌有言曰所言公公言之所言私王者無私夫
翰林爲樞機密宥之地有所慎者事之微也若制置
任用則非王者之私漢制尚書郎主作文書起草更
直于建禮門內臺給青縑白綾或以錦被帷帳氈褥
畫通中枕大官供食湯官供餅餌五熟果五日一美
食下天子一等建禮門內得神仙門內得光明殿神
仙殿自門下省中書省蓋以今翰林之制略同而所

掌輕也漢武帝時嚴助朱買臣吾丘壽王司馬相如東方朔枚臯之徒皆在左右是時朝廷多事中外論難大臣數詘亦其事也

唐興太宗始于秦王府開文學館擢房玄齡杜如晦一十八人皆以本官兼學士給五品珍膳分爲三番更直宿于閣下討論墳典時人謂之登瀛洲貞觀初置弘文館學士聽朝之隙引入大內殿講論文義商較時政或分夜而罷至玄宗置麗正殿學士名儒大臣皆在其中後改爲集賢仙殿亦草書詔至翰林置學士集賢書詔乃罷

初國朝修陳故事有中書舍人六員專掌詔誥雖曰禁省猶非密切故溫大雅魏徵李百藥岑文本褚遂良許敬宗上官儀時召草制未有名號乾封已後始曰北門學士劉懿之劉禕之周思茂元萬頃范履冰爲之則天朝蘇味道韋承慶其後上官昭容獨掌其事睿宗則蘇稷賈膺福崔湜玄宗初改爲翰林待詔張說陸堅張九齡徐安貞相繼爲之改爲翰林供奉開元二十六年劉光謹張垠乃爲學士始別建學士

院于翰林院之南又有韓絃閻伯輿孟匡陳兼李白
蔣鎮在翰林院雖有其名不職其事

已後翰林始兼學士之名代宗初李泌爲學士而今
壁記不列名氏蓋以不職事之故也

案六典中書掌詔旨制勅璽書冊命皆案典故起草
進書其禁有四一曰漏洩二曰稽緩三曰遺失四曰
忘誤所以重王命也制勅旣行有誤則奏而正之凡
王命之制有七一曰冊書立后建嫡封樹籓屏寵命
尊賢臨軒備禮則用之二曰制書行大典賞罰授大

官爵釐革舊政赦宥降慮則用之三曰慰勞制書褒
贊賢良勸勉遣勞則用之四曰發白勅增減官員廢
置州縣徵兵發馬除免官爵授六品已下官處流已
上罪並用之五曰勅旨爲百司丞旨而爲程式奏事
請施行者則用之六曰論事勅書慰諭公卿誠約臣
下則用之七曰勅牒隨事承旨不易舊典則用之又
答疏于王公則用皇帝行寶勞來勳賢乃用皇帝之
寶徵召臣下則用皇帝信寶答四夷書則用天子行
寶撫慰蠻夷則用天子之寶發番國兵則用天子信

寶並甲令之定制也。近朝大事直出中禁，不由兩省不用六寶，並從權也。元和初置書詔印學士院主之。凡赦書德音立后建儲大誅討免三公宰相命將曰制，並用白麻紙，不用印。雙日起草候閣門鑰入而後進書。隻旦日寮立班于宣政殿樞密使引案自東上閣門出。若謫宰相則付通事舍人矩步而宣之。機務要速亦用雙日。甚者雖休假追朝而出之。凡賜與徵召宣索處分曰詔，用白藤紙。凡慰軍旅用黃麻紙。並印。凡印批荅表疏不用印。凡太清宮道觀薦告詞文用青藤紙朱字，謂之青詞。凡諸陵薦告上表內道觀歎道文，並用白麻紙。雜詞祭文禁軍號並進本。

凡將相告身用金花五色綾紙。所司印凡吐蕃贊普書及別錄用金花五色綾紙。上白檀香木珍珠瑟瑟鈿函銀鑲。廻紇可汗新羅渤海王書及別錄並用金花五色綾紙。次白檀香木瑟瑟鈿函銀鑲。諸蕃軍長吐蕃宰相廻紇內外宰相摩尼巴下書及別錄並用五色麻紙。紫檀木鈿函銀鑲。並不用印。南韶及大將軍清平官書用黃麻紙。出付中書奉行却送院封函。

與迴紇同。凡畫而不行藏之函而不用者納之。

凡參議奏論撰述注釋無定名奏復無晝夜凡徵天下草澤之士臨軒策試則議科設問覆定與奪凡受宣有堂曆自記有承旨簿記大抵四者之禁無殊而漏泄之禁爲急。天寶十二載安祿山來朝玄宗欲加同中書平章事命張垠制不行及其去也快快滋甚。楊國忠曰此張之告也遂貶廬溪郡司馬兄均建安郡太守弟叔宜春郡司馬德宗雅尚文學注意是選乘輿每幸學士院顧問錫賚無所不至御饌珍肴輟

而賜之又嘗召對于玉堂移院于金鑾殿對御起草詩賦唱和或旬日不出吳通微昆季同時擢用與陸贄爭恩不叶甚于水火天下醜之貞元三年贄上疏曰伏詳今式及國朝典故凡有詔令合由于中書如或墨制施行所司不須承受蓋所以示王者無私之義爲國家不易之規貞觀中有學士一十八人太宗聽朝之餘但與講論墳籍時務得失悉不相干實錄之中具載其事玄宗末方置翰林張垠因緣國親特承寵遇當時之議以爲非宜然止于唱和文章批荅

表疏其于樞密輒不知肅宗在靈武鳳翔事多草創
權宜濟急遂破舊章翰林之中始掌書詔因循未革
以迄于今歲月滋深漸逾職分頃者物議尤所不平
皆云學士是天子私人侵敗綱紀致使聖代虧至公
之體宰相有備位之名陛下若俯順人情大革前弊
凡在詔勅悉歸中書遠近聞之心稱至當若未能變
改且欲因循則學士年月校深稍稍替換一者謗議
不積二者氣力不衰君臣之間庶全終始事關國體
不合不言疏奏不納雖微據錯謬然識者以爲知言

貞元末其任益重時人謂之內相而上多疑忌動必
拘防有守官十三考而不遷故當時言內職者榮滯
相半及順宗不憚儲位未立王叔文起于非類竊學
士之名內連牛美人李忠言外結姦黨取兵柄弄神
器天下震駭是時鄭綱爲內庭之老首定大計今上
卽位綬綱中書侍郎平章事初姜公輔行在命相及
就第而拜之至李吉甫除中書侍郎平章事適與裴
垠同直裴垠草吉甫制吉甫草武元衡制垂簾揮翰
兩不相知至暮吉甫有歎惋之聲垠終不言書麻尾

之後乃相慶賀禮絕之敬主于座中及明院中使學士送至銀臺門而相府官吏候于門外禁署之盛未之有也

凡學士無定員皆以他官充下自校書郎上及諸曹尚書皆爲之所入與班行絕跡不拘本司不繫朝謁常參官二周爲滿歲則遷知制誥一周歲爲遷官則奏就本司判記上月日北省官宰相送南省官給舍丞郎送上興元元年勅翰林學士朝服序班宜准諸司官知制誥例凡初遷者中書門下召令右臺門候

旨其日入院試制書答共三首詩一首自張仲素後加賦一首試畢封進可者翌日受宣乃定事下中書門下于麟德殿候對同院賜宴營幕使宿設帳幕圖褥尚食供饌酒坊使供美酒是爲勅設序立拜恩訖候就宴又賜衣一副絹二十疋飛龍司借馬一疋旬日又進文一軸內庫給青綺錦被青綺方褙青綾單帕漆通中枕銅鏡漆奩象篋大小象梳漆箱銅染羅銅觥碗紫絲履白布手巾畫木架床鑪銅案席氈褥之類畢備內諸司供饌飲之物主膳四人掌之內園

官一戶三人以供使令其所乘馬送迎于擗仗門內
擴門之西度支月給手力資四人人錢三千五百四
品已上加一人每歲內賜春服物三十疋暑服物三
十疋綿七屯寒食節料三十疋酒飴杏酪粥屑肉餒
清明火二社蒸饅端午衣一副金花銀器一事百索
一軸青團鏤竹大扇一柄角糴三服沙蜜重陽酒餠
粉饅冬至歲酒兔野鷄其餘時果新茗瓜新曆是爲
經制直日就須授下直就第賜之凡內晏坐次宰相
坐居一品班之上別賜酒食珍果與宰相同陽帛二
十疋金花銀器一事貞元四年勅晦日上巳重九節
百寮宴樂翰林學士每節賜錢一百千其日奏選勝
而會賜酒脯茶果明年廢晦日置中和節宴樂如之
非凶年旱歲兵革則每歲爲常
凡正冬至不受朝俱入進名奉賀大忌進名奉慰其
日尚食供素饌賜茶十串
凡郊廟大禮乘輿行幸皆設幕次于御幄之側侍從
親近人臣第一御舍元殿丹鳳樓則二人于宮中乘
馬別駕出殿門徐出就班大慶賀則俱出就班

凡當直之次自給舍丞郎入者三直無爆自起居御史郎官入五直一爆其餘雜入者十直三爆新遷官一直服價名于次之中減半著爲別條例題于北壁之西閣

凡交直候內朝之退不過辰巳入者先之出者後之直者疎數視人之衆寡事之勞逸隨時之動靜凡節國忌授衣二分田假之令不霑有不時而集併夜而宿者或內務不至外喧已寂可以探窮理養性浩然之氣故前輩傳楞伽經一本函在屋壁每下直出門相謔謂之小三昧出銀臺乘馬謂之大三昧如釋氏之去纏縛而自在也北廳前堦有花塲道冬中口及五塲爲入直之候李程性懶好晚入恒過八塲乃至衆呼爲八塲學士

元和已後院長一人別勅丞旨或密受顧問獨召對賜居北壁之東閣號爲丞旨閣子其屋棟別列名爲政事駕在大內卽于明福門置院駕在興慶宮則于金明門內置院今在右銀臺門之北第一門向牖曰翰林之門其制高大重複號爲胡門入門直西爲學

士院卽開元十六年所置也引鈴于外惟宣事入其北門爲翰林院又北爲少陽院東屋三院西廂之結麟樓南西並禁軍署有高品二人知院事每日晚執事于思政殿退而傳旨小使衣綠黃青者逮至十人更番守曹南廳五間本學士騎馬都尉張垆飾爲公主堂今東西間前架高品使居之中架爲藏書南庫西三間前架中三洞谿設榻受制旨印書詔二時會食之所四辟列制勅例名數其中使置博一局印櫃中間爲北一戶架東西各二間學士居壁之出北門橫屋六間當北廳通廊東西三間爲藏書北庫其二庫書各有錄約八千卷小使主之西三間書官居之號曰待制北廳五間東一間是丞旨閣子並學士雜處之題記名氏存于壁者自呂問始建中已後年月遷換乃爲周悉南北二廳皆有懸鈴以示呼召前庭之南橫屋七間小使居之分主實牘詔草紙筆之類又西南爲高品使之馬廐北爲寶庫之北小攀廊抵于北廳西舍之南其一門待詔戴小平嘗處其中死而復生因弊爲南向之宇畫山水樹石號爲畫堂次

二間貯遠歲詔草及制舉詞策又北廻而東並待詔
居之又東盡于東垣為典主堂待詔之職執筆視以
俟書寫多至五六頁其選以能不以地故未嘗用士
人自王伾得志優給頗厚率三歲一轉官有至四品
登朝者虛廊曲壁多畫怪石松鶴北廳之西南小樓
王涯率人為之院內古槐松玉蕊藥樹柿子木瓜菴
羅峘山桃杏李櫻桃紫薔薇辛夷蒲萄冬青玫瑰凌
霄牡丹山丹芍藥石竹紫花蕪菁青菊商陸蜀葵萱
草紫苑諸學士至者雜植其間殆至繁溢元和十二

年肇自監察御史入明年四月改左補闕依職守中
書舍人張仲素祠部郎中知制誥段文昌改司勳員
外杜元穎司門員外郎沈傳師在焉是時睿宗文武
皇帝裂海岱十二州為三道之歲時以居翰苑皆謂
凌玉清邈紫霄豈止於登瀛洲哉亦曰玉署玉堂焉

山宋敘

四朝宰相趙令畤相文潞公四十三登庸冠公
四王沂公四十五賈魏公四十八

翰林志終

十五韓魏公三十六

參知政事蘇侍郎易簡三十六王沂公三十九

知制誥蘇侍郎二十六王沂公二十七盧相楊文公

晏元獻公宣獻公今宣徽使王公拱辰皆二十八夏

文莊三十

學士蘇侍郎二十八晏元獻公宣徽王公皆三十宣

獻公三十五王沂公李邯鄲皆三十六楊文公錢子

飛皆三十七盧相今參政王禹玉皆三十八

吳正肅言律令有丁推推字不通少壯之意當是丁

稚唐以大帝諱避之損其點畫云

真宗朝歲時始賜飲於宰相第大兩省待制以上赴

林尚書特以諫議大夫爲三司副使亦預焉旣而并

諸副使遂以爲常王太尉主會唯用太官之膳少加

堂餐自丁晉公助以家饌至今踵之

天聖七年玉清宮災遂罷輔臣爲宮觀使而景靈會

靈祥源三宮觀以學士舍人管句康定元年李康靖

公罷參知政事爲資政殿大學士提舉會靈觀自後

學士皆爲提舉至和初晏元獻公以舊相爲觀文殿

大學士提舉萬齡

避家諱也

觀而武臣今致政李少師端

愿為觀察使止得管句祥源觀自陳於樞府宗袞

宋元

憲也謝眺謂謝安為宗袞

乃加以都管句今朝官亦云提舉非故

事也

宗袞嘗言律云可從而違堪供而闕亞六經之文也

宋景文言人之屬文自穩當字第初思之未至也又

曰為文是靜中一業爾

本朝置樞密使副或置知樞密院同知院然使與知

院不並置也熙寧元年文潞公呂宣徽為使而潤州

陳丞相自越州召為知院前一歲陳丞相為副使位

在呂公之上故也

國初范魯公王祁公魏僕射三相罷趙令獨相始置

參知政事自是一相或二相至咸平中始有呂文穆

李文靖向文簡三相又至至和中文潞公劉丞相富

鄭公三相

太平興國四年石元懿始以樞密直學士簽書院事

八年張司空齊賢王公沔並以諫議大夫同簽書樞

密院事景德三年馬正惠以檢校太傅韓公崇訓以

檢校太保並簽書樞密院事治平二年今郭宣徽為同簽書院事

文臣為樞密使皆帶檢校太尉太傅兼本官乾興元年錢文僖以兵部尚書為樞密使不帶檢校官有司之失也

趙德明歸款真宗賜以宗姓然不附屬籍晁文元草制云奕世荷殿邦之德舉宗聯命氏之榮寶元二年元昊叛詔削屬籍非也

唐太宗自撰鄭元成碑德宗亦撰段秀實碑

本朝太宗撰中令趙公碑皇祐中王侍師子融守河

中還乃以唐明皇所題裴耀卿碑額上之仁宗遂御

篆賜沂公碑曰旌賢其後踵之者懷忠呂許顯忠李

武旌忠寇萊全德元老王太尉教忠積慶文潞公親賢

李侍中襄親齊國獻穆公旌功曹襄舊學晏元崇儒丁文

舊德張鄧顯先積慶趙中令旌忠懷德張侍儒賢高

襄賢范文思賢劉丞清忠王武旌忠元勳狄武慶

忠陳泰純孝張文英宗御篆忠規德範宋元上御篆

淳得守正呂文大儒元老賈魏

國朝歷三師三公者太祖卽位天雄節度符魏王彥
卿自守太尉爲太師定難節度西平王李中令彝興
自守太傅爲太尉荆南節度南平王高中令保融自
守太保爲太傅

趙令以司徒太保侍中在中書以太保中書令留守
西京又以太師西京養疾王文正以司空司徒太保
在中書以太尉罷爲王清昭應宮使

范魯公以司徒在中書王祁公薛文惠呂文穆並以
司空在中書丁晉公馮魏公王冀公並以司空司徒

在中書韓魏公以司空在中書司徒爲節度侍中曹
襄悼文潞公並以司空爲樞密使侍中呂文靖罷相
以司徒監修國史曾魯公以司空爲節度侍中
呂許公以太尉致仕張鄧公曾魯公以太傅致仕
陳恭公以司徒致仕李相昉張相齊賢章郇公朱鄭
公富韓公並以司空致仕

國朝宰相爲僕射魏公仁浦趙令薛文惠沈恭惠宋
惠安李文正呂文穆呂正惠李文靖張司空王文正
向文簡王冀公寇萊公呂許公王沂公賈魏公陳恭

公韓魏公文潞公富鄭公曾魯公二十二人樞相爲
僕射陳文忠曹襄悼張榮僖王康靖四人樞密使爲
僕射石元懿一人

列聖神御殿始咸平初真宗令供奉僧元藹寫太宗

聖容於啓聖院後玉清昭應宮範金祖宗像餘多塑

像其殿名在京曰慶基奉先禪院開先太平興國二

聖玉清昭聖宮奉太永隆啓聖院奉安聖玉清昭應

奉真景靈宮崇真慈孝寺延聖萬齡觀永宗崇先孝嚴

景靈宮英德在外曰音武楊州建隆寺興元

西京應天院端命滌州帝華西京應天院統平太原府昭孝西京

應天院以下奉太宗信武澶州集真華陰雲臺觀又鳳翔太平宮有祖

宗神御殿南京鴻慶宮有三聖神御殿西京永安縣

會聖宮有五聖神御殿今京師定力院有太祖御像

國初待詔諸后影殿曰重徽奉先禪院奉明德太彰

德慈孝寺奉廣孝景靈宮奉廣愛萬齡觀奉

開寶八年十一月江南平留汴水以待李國主舟行

盛寒河流淺涸詔所在爲埧閘瀦水以過舟官吏擊

凍督役稍稽則皆何校甚者劾擢以次被罰州縣官

降敕而杖之者凡十餘人

舊制將相食邑萬戶即封國公王太尉為相過萬戶

而謙挹不封慶曆七年南郊中外將相唯夏鄭公合

萬戶中書請封英國公因詔使相未滿萬戶皆得封

於是王康靖封遂國公章文簡封郇國公王武恭封

冀國公其後遂以邑封合萬戶者徹國

國朝以來封國公者范侍中魯王文獻祁向侍中拱

蘇蘇靜難節度劉公重進燕保大節度趙公贊衛定國

節度馮公繼業梁張侍中永德鄧張尚書山舒鄭孟

中令昶秦王中令彥超別趙中令陳呂文穆蔡徐

寇忠愍萊丁秘監晉馮文懿魏曹襄悼韓魯魯王文穆

冀冀張榮僖岐鄧徐呂文靖申王文正沂張文懿鄧章文

簡郇夏文莊英鄭鄭王康靖遂王武恭祁冀密賈文无安許

陳恭公岐文侍中潞杜正獻祁宋无憲莒龐莊敏穎

韓侍中儀衛魏曾侍中英兗兗禹相祁鄭韓

太子謚昭成許王元僖初悼獻周王元祐

諸王謚悼秦王懿魏王康惠岐王恭憲楚王恭靖陳

元元文惠安王恭懿鄧王恭惠曹王恭肅燕王懷靖魏

助悼穆 豫王 悼懿 鄂王

公主謚恭懿 宣祖女燕國大長 賢肅 太祖女秦國大

衍賢靖 太祖女晉國大長 恭惠 太祖女許國長公主

改英惠 太宗女燕國長 和靜 太宗女晉國大長 懿順

太宗女鄭國長 慈明 太宗女申國大長公主 獻穆 太

女齊國大長公 昭懷 真宗女出俗為道士 莊孝 仁宗

國大長公 昭懷 號清虛靈昭大師 莊孝 女楚

宗室謚恭裕 申王 康孝 南陽郡 安懿 漢 孝定 相王 榮

易定王 恭肅 廣平郡 思恪 永嘉郡 懿恭 平陽郡 僖簡

信安郡 康簡 廣陵郡王德讎 和懿 定安郡 恭僖 舒國

蘊僖靖 同安郡 僖穆 丹陽郡 安僖 榮王從式楚 安簡

信都郡 安恭 博平郡 慈惠 申國公 僖安 楚國公 和惠

王德彝 惠恪 楚國公 僖溫 遂寧郡 良靜 魏國公 恭簡

河東郡 王承衍 惠恪 從古 僖溫 王承範 良靜 宗懿 恭簡

韓國公 良 祁國公宋述 昭裕 遂國公 修孝 南康郡 恭

靜 樂平郡 康僖 光國公 榮僖 陳國公 恭 昌國公 世滋

宰相謚文獻 王祁公簿 宣懿 魏僕射 忠獻 趙中 文惠

薛相居正 恭惠 沈相 惠安 宋相 文正 李司空昉王太

陳相堯佐 恭惠 倫 惠安 其 文正 尉且正字犯仁

宋嫌 正惠 呂相端正字 文穆 呂許公蒙正 文定 張司

賢李相文靖李相沆呂文簡畢相士安忠愍寇萊文懿公準

馮魏公拯張文正王沂公會文節張相知白章惠王相隨文憲改文惠

章鄒公得元獻晏公殊正獻杜祁公恭陳相執中文元賈魏公

莊敏龐穎公元憲朱鄭公

樞密使謚元靖李公崇矩景襄楚公昭輔元懿石僕射熙載恭懿王公

繼文莊高公若訥宣簡田公况惠穆呂公弼

樞密使相謚武惠曹待中彬文忠陳僕射堯叟襄悼曹侍中利用榮

僖張侍中者文僖錢公惟演思改恭毅楊公崇勳文康王相康靖王相

上侍中財下文莊夏鄭公武恭王公德用

參知政事謚文懿郭尚書贊少傅朴文恭李公穆景肅趙公昌言康

節辛少傅仲甫恭肅溫尚書仲舒惠獻王尚書化基文定趙右丞安仁石少師

中立文僖陳公彭年康懿任尚書中正肅簡魯公宗道簡肅薛公奎宣獻

先文忠蔡公齊文肅盛少傅度吳公奎忠憲韓少傅億忠穆王公驥康

靖李少傅若谷文莊晁公宗慤安簡王公舉正文正范公仲淹正肅吳公育

文烈明公鎬文簡丁右丞度康穆程公戡文安王公堯臣質肅唐公介

樞密副使知院同知院謚宣靖錢鄧州恭質宋公澁景

莊王公嗣宗正惠馬公知節正字安惠周侍郎起任武穆

曹公忠獻范尚書僖質趙少師憲成李侍郎文孝張左丞文肅

忠獻范尚書僖質趙少師憲成李侍郎文孝張左丞文肅

忠獻范尚書僖質趙少師憲成李侍郎文孝張左丞文肅

忠獻范尚書僖質趙少師憲成李侍郎文孝張左丞文肅

鄭公 恭惠 任少 威敏 孫公 孝肅 包公 文恭 胡少 忠簡

王侍 郎疇

使相謚恭惠 安仲王 元靖 王中 正懿 高中 令保融正

武烈 石中令 莊烈 何中令 恭孝 孟中 武穆 高公 忠順

陳公 忠懿 錢中 莊武 李侍 忠繼勳 安僖 錢侍 莊惠

宋太 恭惠 張侍 忠武 李公 武惠 潘公 忠肅 王公 榮密

柴公 恭密 楊公 恭僖 李侍 文簡 程相 良僖 李公

文臣謚文安 宋尚 文莊 江陵 忠定 張尚 文恭 薛尚 忠

肅 馬少 文 楊侍 恭惠 李中 文元 晁少 宣 孫少 康肅 陳

堯 章靖 馮侍 宣懿 楊侍 恪 李右丞 景文 宋尚 襄 余一

恭安 張尚 莊 李尚 修懿 錢公 懿敏 王尚 懿靖 李少師

武臣謚溫肅 杜公 審肇 恭僖 杜公 審瓊 恭惠 杜公 審進 武毅 曹公 翰

忠武 郭公 勤威 馮公 和惠 王公 恭肅 王公 承行 忠惠 吳公

元惠 周宣 武康 王公 武懿 曹公 忠毅 彭公 獻 恭莊 張

潛 宣惠 錢留後 和文 李公 壯恪 夏公 隨 安毅 鄭公 忠

僖 夏宣 忠隱 葛公 壯愍 劉公 平 恭壯 高公 壯定 楊

後景 宗 忠恪 曹公 密 郭宣 微 良惠 劉觀 察 榮毅 許公 良

定 李留後 勤惠 張公 夜 從廣 懷德 良

外戚謚武懿

劉公

康懷

劉從德

安僖

曹公

恭懷

曹公

景

思

張堯封

內臣謚忠肅

劉承規

安簡

王承勛

僖靖

藍繼宗

安恪

盧守

僖

恭

王惟忠

安僖

岑守素

僖良

皇甫繼明

良恪

張永和

榮恪

藍元

忠

安

張惟吉

僖勤

史崇信石全育

僖恪

劉從愿鄧保吉

威勤

麥允信

僖安

王

守

忠

任恭惠與呂許公同年進士而同為博士恭惠登樞

年耆康疆許公時尚為相嘗所歎羨詢其服餌之法

恭惠謝曰不曉養生之術但中年因讀文選有所悟

爾謂石韞玉以山輝水含珠而川媚許公以為然

父子掌誥國初至熙寧元年凡九家李文正

昌武正字犯仁

宗嫌名

王兵部

文正

王惠獻

安簡

晁文元

文莊

錢希白

修懿

梁翰

林

莊肅呂文靖

仲裕

宣獻公

敏求

蘇儀甫

子容

咸平六年併三部為三司使官輕則為權使公事慶

曆中葉翰林道卿再總計止云權使蓋中書誤也其

後遂分權使與使公事為兩等

舍人院每知制誥上事必設紫褥於庭面北拜廳閣

長立褥之東北隅謂之壓角宋衷作掖垣叢誌而不

解其事按唐舊書亦無聞焉惟裴延裕正陵遺事云舍人主事知印宰相當壓角則其禮相傳自唐也予爲舍人日邵興宗入院不疑爲閣長壓角時議美之翻譯新經始以光祿卿湯公悅兵部員外郎張公洎潤色之後趙文定楊文公晁文莊李尚書維皆爲譯經潤文官天禧中宰相丁晉公始爲使天聖三年又以宰相王冀公爲使自後元宰繼領之然降麻不入銜又以參政樞密爲潤文其事寔重每歲誕節必進新經前兩月二府皆集以觀翻譯謂之開堂亦唐之

清流盡在也前一月譯經使潤文官又集以進新經謂之閉堂慶曆三年呂許公羅相以司徒爲譯經潤文使明年致仕章郇公代之自後降麻入銜宗袞嘗曰殘人矜才逆詐恃明吾終身不爲也亦繇唐相崔渙曰抑人以遠謗吾所不爲

予治平初同判尚書禮部掌諸處納到廢印極多率皆無用按唐舊說禮部郎中掌省中文翰謂之南宅舍人百日内須知制誥王元之與宋給事詩云須知百日掌絲綸又謂員外郎爲瑞錦窠員外郎廳前有

通志金 卷之二
大石諸州府送到廢印皆於石上碎之又圖寫祥瑞亦員外郎廳所掌令狐楚元和初任禮部員外郎有詩曰移石幾回敲廢印開箱何處送新圖是也今之廢印宜準故事碎之

唐內人墓謂之宮人斜四仲遣使者祭之

京師街衢置鼓於小樓之上以警昏曉太宗時命張公洎製坊名列牌於樓上按唐馬周始建議置鼗鼗鼓惟兩京有之後北都亦有鼗鼗鼓是則京都之制也二紀以來不聞街鼓之聲此後金吾之職遂廢之矣

太常寺國初以來皆禁林之長主判而禮院自有判院同判院大中祥符中符瑞繁縟別建禮儀院輔臣主判而兩制爲知院天禧末罷知院天聖中省禮儀寺並兼禮儀事近有至六七人者按唐太常置卿一員少卿二員博士四員祥符中置博士二員後加一員四員今若置判寺一員同判寺二員則合唐之卿矣天聖元年改同判院爲司知院卽博士也太常寺舊在興國坊今三班院是也景祐初燕侍郎

肅判寺廳事畫寒林屏風時稱絕筆其後為判寺好事者竊取之嘉祐八年徙寺於福善坊其地本開封府納稅所英宗在藩邸判宗正寺建為廨舍既成而已立為皇子遂為大常所請焉

端拱中西掖六舍人既而田錫罷職知陳州頃之宋湜貶均州團練副使王元之商州團練副使熙寧二年閣老錢君倚守江寧明年子自請出院李才无蘇平容皆落職惟吳冲卿權三司使不供職閣下無人草制遂命二直院焉


開寶二年李文正正字犯仁宗嫌名以中書舍人盧相以知

制誥並命直學士院六年知制誥張公澹直學士院太平興國元年湯率更悅徐騎省鉉直學士院王焯州克正張侍郎洎直舍人院四人公皆江南文士也至熙寧二年復置舊官

唐制宰相四人首相為太清宮使次三相皆帶館職

洪正字犯宣祖廟諱文館大學士監修國史集賢殿大學士

以此為次序本朝置二相昭文修史首相領焉集賢次相領焉三館職惟修史有職事而頗以昭文為重



自次相遷首相乃得之趙令初拜止獨相領集賢殿
大學士續兼修國史又之方遷昭文館薛文惠與沈
恭惠並相薛自參政領監修拜相仍舊而沈領集賢
畢文簡與寇忠愍並相而畢領監修寇領集賢王太
尉獨相亦止領集賢近時王章惠龐莊敏初拜及獨
相悉兼昭文修史二職非舊制也

文臣自使相除樞相罷節而還舊官景祐元年王沂
公自使相帶檢校官復爲吏部尚書同平章事充樞
密使慶曆七年夏鄭公自使相入樞仍帶節度使亦
非舊制也

太祖太宗時文臣爲使相惟趙令一人真宗時寇萊
公王冀公二人節度使李南陽一人乾興後難遽數
矣

唐文武參用袁滋自尚書右丞出華州刺史召爲左
金吾衛大將軍如是者數人本朝頗循其制工部侍
郎王公明兼黃州刺史給事中喬公維岳換海州刺
史三司使尚書左丞李公士衡換同州觀察使學士
承旨刑部尚書李公維翰換相州觀察使翰林學士

工部侍郎陳公堯咨換宿州觀察使如錢鄧州及慶曆初韓范龐王四公皆換觀察使以用兵擢之也龍圖閣直學士馬公季良換秦州防禦使非美遷也武臣換文資者太宗時白州刺史錢昱換祕書監遷工部侍郎復換觀察使

真宗優待王冀公景德中罷參知政事始置資政殿學士以命之宰相寇萊公頗抑之令班翰林之下乃命爲大學士冀公請鑄印不許遂領尚書都省以都省自有印也

後唐明宗以樞密使安重誨不通文義置端明殿學士以翰林學士馮道趙鳳爲之班樞密使之後食於其院端明殿卽西京正衙殿也本朝程侍郎羽爲之後隨殿名改爲文明殿學士李司空昉嘗爲之慶曆中以同永定謚號改爲紫宸殿學士丁文簡罷參知政事爲之何右丞郊時爲御史言紫宸非人臣所稱又改爲觀文殿學士未幾賈魏公以使相換僕射因置大學士處之仍詔非歷宰相不除明道中改承明殿爲端明殿會先公自南都召歸特置學士班翰林

資政之下與舊職名同而立位異矣

唐姚南仲不歷尚書侍郎而入省便爲僕射近世鄭文肅劉丞相張尚書方平王宣徽拱辰滕侍讀甫皆不歷郎中員外而便爲諫議大夫呂給事惠卿鄧中丞潤甫亦然

尚書省二十四司唐世以事簡者兼學士舍人本朝惟重左曹館職提點刑獄例得名曹省府判官轉運使得名曹又遷左曹學士舍人待制遷二資帶史撰更得優遷如蘇儀甫自刑部員外郎遷禮部郎中王

原叔自工部郎中遷吏部郎中是也朝官帶史撰亦得優遷李邯鄲自博士爲禮部員外郎賈魏公自司封員外郎爲禮部郎中是也景祐中宋景文修樂書成遷工部員外郎慶曆中呂仲裕王原叔修崇文總目成並爲工部員外郎予預修唐書亦忝此官又朝選久不磨勘者郭諫議申錫遷右司員外郎祖擇之工部員外郎張修撰問禮部郎中

邇英閣講諷之所也閣後有隆儒殿在叢竹中制度特小王原叔久在講筵而身品短同列戲之曰宜爲

隆儒殿學士

孫之翰言太祖一日召對趙中令出取幽州圖以示之趙令詳觀稱歎曰是必曹翰所爲也帝曰何以知之普對方今將帥材謀無出於翰此圖非翰也人不可爲也翰往必可得幽州然旣得幽州陸下遣何人代翰帝默然持圖歸內

楊庶幾攷言胡秘監旦退居襄陽鑿大硯以著漢春秋書成瘞其硯每聞大臣名士薨卒必作傳以紀其善惡然世不傳庶幾亦自有所述

杜甫終於未陽豪葬之至元和中其孫始改葬於鞏縣元微之爲誌而鄭刑部文寶謫官衡州有經未陽杜子美墓詩豈但爲誌而不克遷或已遷而故冢尚存耶

唐官有定員闕則補之後唐長興二年詔諸州得替節度防禦團練使刺史並令隨常朝官逐日立班二年赦免常朝令五日起起居國初尚多前資官今閣門儀制尚有見任前任節度防禦團練使

太宗時始置磨勘差遣院後改爲審官真宗時京朝

官四年乃得遷天聖中方有三年之制而在外任者不得遷須至京引對乃得改秩明道中始許外任歲滿亦遷時恭謝天地覃恩不隔磨勘有併遷者於是朝士始多皇祐明堂覃恩隔磨勘人情苦其不均英宗與上卽位故復用恭謝之例

建隆至天禧每朝廷大禮二府必進官天聖二年南郊呂許公懇言之乃止自是加恩而已

每大禮兩府加恩功臣階勲食邑實封內得三種學士至待制大兩省得階勲而下二種大卿監至少卿

監一種得加食邑郎中而下至朝京官一種階勲而已

凡加食邑宰相千戶實封四百戶餘降麻官食邑七百戶實封三百戶直學士以上食邑五百戶實封二百戶舍人待制散尚書至少卿監以上食邑三百戶實封一百戶

凡食邑三百戶封縣開國男五百戶封子七百戶封伯千戶封郡侯二千戶封公千五百戶以上始加實封

唐大帝時始有同中書門下三品時中書令侍中皆正三品大曆中並升爲二品晉天福五年升中書門下平章事爲正二品國初樞密使吳延祚以父諱璋加同中書門下二品用升品也

每南郊大禮循唐制命五使宰相爲大禮使學士爲禮儀使鹵簿使御史中丞爲儀仗使知開封府爲橋道頓遞使而禮儀使本太常卿事尚書兵部主字圖鹵簿使是其職也儀仗使排列之而鹵簿使督攝之其職事頗相通真宗時東封西祀奉祀皆輔臣爲五使南郊則用學士而下仁宗藉田恭謝大饗明堂裕饗上大饗並循真廟之制

春明退朝錄卷上終

饗土大饗並酌真廟之歸

外南波限用學士而不二宗蘇田恭愍大饗開堂

春明退朝錄卷中

予嘗判官誥院知制誥時又提舉兵吏司封官誥院
而不白司勳恐遺之也凡文臣及節度觀察防團刺
史諸司使副內殿承制崇班皆用吏部印管軍至軍
校環衛官用兵部印封爵命婦用司封印加勳用司
勳印

凡官誥之制后妃銷金雲龍羅紙十七張銷金標袋
寶裝軸紅絲網金帑楮公主銷金大鳳羅紙十七張
銷金標袋瑠璃瑁軸紅絲網塗金銀帑楮

按皇后當隆
制誥誥不裝

誥身而用冊本朝諸后皆止用告景祐元年立后始用冊治平熙寧皆循之

親王宰相使相背五色金花綾紙十七張暈錦標袋犀軸色帶紫絲網銀笄栝樞密使三師三公前宰相至僕射東宮三師嗣王郡王節度使白背五色金花綾紙十七張暈錦標袋犀軸色帶參知政事樞密副使知院同知院簽書院事宜徽使僕射東宮三師御史大夫宗室率府副率以上白背五色綾紙十七張暈錦標袋牙軸色帶尚書觀文殿大學士資政殿大學士東宮三少六統軍上將軍留後觀察使同上惟用法錦標

近者

用翠毛獅子錦以革錦非舊制也三司使翰林學士承旨至直學士

待制丞郎御史中丞大兩省賓客大卿監祭酒詹事庶子大將軍防團刺史橫行使內諸司使軍職遙郡樞密都承旨初除駙馬都尉白綾大紙七張法錦標大牙軸色帶三司副使少卿監司業起居郎至正言知雜至監察御史郎中員外郎四赤令諭德少詹事家令率更令太子僕太常博士節度行軍司馬副使橫行副使諸司副使樞密副承旨軍職都指揮使忠佐馬軍步軍都軍頭以上藩方馬步軍都指揮使并

不遥郡者白綾大紙七張大錦標牙軸青帶國子博士至洗馬通事舍人諸王友六尚奉御諸衛將軍承制崇班閣門祇候五官正諸州別駕樞密院諸房承旨如官至將軍以上用大綾紙大錦標大牙軸兩使判官防團副使率府率副率京官館職堂後官中書樞密院主事諸軍職都虞候忠佐馬軍步軍副都軍頭諸班指揮使藩方馬步軍副都指揮使都虞候內供奉官至內品白綾中紙五張中錦標中牙軸青帶祕書郎至將作監主簿白綾小紙五張黃錦標角軸青帶幕職州縣官靈

臺郎保章正諸州長史司馬中書錄事主書守當官樞密院令史書令史諸軍指揮使內品待詔書執白綾小紙五紙小錦標木軸青帶諸蕃蠻子大將軍司階司戈司候郎將以上並白綾大紙法錦大牙軸色帶凡修儀婉容才人貴人美人銷金小鳳羅紙七張銷金襖袋璫瑁軸紅絲網塗金銀帔楮司言司正尚衣尚食典寶常使金花羅紙七張法錦標袋內降夫人郡君團窠羅紙七張暈銀標袋宗室婦常使金花羅紙七張法錦標袋宗室女素羅紙七張法錦標袋

國夫人銷金團窠五色羅紙七張暈錦標袋郡夫人

常使金花羅紙七張

見任兩府母妻使團窠

法錦標袋

以上至司言司

正等皆用瑇瑁紫絲網帟格

郡君縣太君遙郡刺史正郎以上妻

並銷金常使羅紙七張餘命婦並素羅紙七張

凡封贈父祖為降麻官用白背五色綾紙法錦標大

牙軸餘雖極品止給大綾紙法錦標大牙軸

凡朝士父在經大禮推恩得致仕官不給奉父任陞

朝官以上致仕自得奉舊制若因其子更加秩則不

給奉

凡宰相使相母封國太夫人妻封國夫人樞密使副

使參知政事尚書節度使母封郡太夫人妻封郡夫

人樞密參政母經南郊封國太夫人

直學士以上給諫太卿監觀察

使母封郡太君妻封郡君

舊制學士官至諫議大夫以上方得郡封天禧中詔

改少卿監防團以下至陞朝官母封縣太君妻封縣

君

凡輔臣宣徽使初入封三代為東宮三少

曾祖為少保祖為少

傳父為少師

因進官或遇大禮進加至太師兩令國公使

相節度使亦封三代尚書資政殿大學士三司使封

二代至太尉

大學士自
如兩府例

學士至待制封一代至太尉

餘陞朝官以上至吏部尚書

父歷兩府贈至師令國
公歷兩制大兩省贈至

太尉

唐相止贈一代權德輿罷相為檢校吏部尚書與

元節度使自潤州改葬其父於東都亡祖之域其祖

僊終右羽林軍錄事參軍因表納檢校吏部尚書兼

御史大夫請回贈祖一官詔不許納官特贈僊尚書

禮部郎中

德輿在遷祔式假內公事皆差官服慘服
句當有敕使及別奉詔命即令權承進上

唐制宰相不兼尚書左右丞蓋僕射常為宰相而丞

轄留省中領事元和中華貫之為右丞平章事不久

而遷中書侍郎又僕射給諫皆不為致仕官然楊於

陵為左僕射致仕

本朝沈相倫亦
以僕射致仕

唐節度使除僕射尚書侍郎謂之納節皆不降麻止

舍人院出制天禧中丁晉公自保信軍節度使除吏

部尚書參知政事先公在西閣當制至和中韓魏公

自武康軍節度使除工部尚書三司使降麻非故事

也

皇祐中宗袞請置家廟下兩制禮官議以為廟室當

靈長若身沒而子孫官微即廟隨毀請以其子孫襲

三品階勲及爵庶常得奉祀不報
祕府有唐孟詵家祭儀孫氏仲饗儀數種大抵以士
人家用臺卓享祀類几筵乃是凶祭其四仲吉祭當
用平面氈條屏風而已

漢乾祐中除樞密使始降麻如將相之制本朝循之
石元懿罷爲僕射亦降麻高文莊田宣簡呂寶臣罷
止舍人院出告

天聖中修國史王安簡謝陽夏李鄴鄆黃唐卿爲編
修官安簡神情冲澹唐卿刻意篇什謝李嘗戲爲旬

曰王貌閑如鶴黃吟苦似猿

天聖中錢文僖留守西都而應天院有三聖御像去
府僅十里朔望集衆官朝拜未曉而往朝拜畢三杯
而退文僖戲爲句曰正好睡時行十里不交談處飲
三杯又有人送驢肉復曰廳前提到須依法合內盛
來定付厨

宗袞嘗賞黃子溫詩子溫名孝恭天聖八年登進士
第爲大理寺丞失官其從兄子思亦善詩詠懷曰日
者未知裴令貴世人爭笑禰生狂重午日風簷燕引

進士第終太常博士
五六子露井榴開三四花子思名孝先天聖三年登

治平三年子爲知制誥夏六月夢丞相遣朱衣吏召
命草某人爲邃清殿學士制既寤不能記其姓名及
其文詞也明年五月甲辰丞相遣朱衣吏召當制舍
人呂縉叔草制除鄒不疑爲寶文閣學士後數日得
承旨張公所作詔正字犯御名遂在西清恍
然記去歲之夢與詔文離合其名若符契焉

尊號起於唐中宗稱應天神龍皇帝後明皇稱開元
神武皇帝自後率如之陸贄嘗以諫德宗宗袞著尊
號錄一篇繫以贄云損之又損天下歸仁蓋託諷焉
上卽位羣臣凡再上尊號率不許

李尚書維有三兄文靖丞相贄尚書虞部員外郎源
太子中舍皆五十八而終尚書亦是歲大病懇言於
朝乃罷翰林學士換集賢院學士出知許州王給事
博文與其子景彝皆貳樞然並踰月而終
歐陽少師言爲河北都轉運使冬月按部至滄景聞
於野亭夜半聞車旂兵馬之聲幾達旦不絕問宿彼

處人云此海神移徙五七年間一有之

致政王侍郎子融言天聖中歸其鄉里青州時滕給事涉爲守盛冬濃霜屋瓦皆成百花之狀以紙摹之其家尚餘數幅

几節度州爲三品刺史州爲五品唐內臣爲中尉惟贈大都督國初曹翰以觀察使判潁州是以四品臨五品州也品同爲知隔品爲判自後惟輔臣宣徽使太子太保僕射爲判餘並爲知州

參知政事父見其進拜者盧朱崖吳正肅與尚書張父安道樞副陳堯叟張文孝吳文肅由登用而朝廷多峻加其父恩命

唐時黃河不聞有決溢之患唐書惟載薛平爲鄭滑節度使始河溢瓠子東泛滑距城纔二里許平按求故道出黎陽西南因命其從事裴弘泰往請魏博節度使田弘正弘正許之乃籍民田所當者易以他地疏導二十里以殺水悍還孺田七百頃於河南自是滑人無患此外無所紀蓋河朔地天寶後久屬蕃臣而事不聞朝廷也而汴河亦不聞疏通之事惟鄭畋

集載爲相時汴河浚塞請令河陽節度使於汴口開
導仍令宣武感化節度使嚴帖州縣封閉公私斗門
感化卽徐州也

唐兩京皆有三館而各爲之所所以逐館命修撰文
字本朝三館合爲一並在崇文院中景祐中命修總
日則在崇文院餘各置局他所蓋選衆人所見太宗
實錄在諸王賜食廳真宗實錄在元符觀祥符中修
冊府元龜王文穆爲樞密使領其事乃就宣徽南院
廳以便其事自後遂修國史會要名曰編修院又修
在宋實錄而英宗實錄同時並修遂在慶寧宮史館
領日曆局置修撰二員宰相爲監修自置編修院以
修撰一人主之而日曆等書皆析歸編修院

唐在京文武官職事九品以上朔望日朝其文官五
品以上及監察御史員外郎太常博士每日參武官
五品以上仍每月五日十一日二十一日二十五日
參三品以上九日十九日二十九日又參
王沂公家一本云四
品以上九日十九日二十九日再參其長上折衝果毅若文武散官五
品以上直諸司及長上者各準職事參其洪
正字犯宣祖廟

諱文館及國子監博士學生每季參若雨雪霑服失

容及泥濘並停以上唐儀制令凡京百司有常參官謂五品

以上職事官八品以上供奉官以上唐六典正正字犯在宗嫌名

元二年敕文官充翰林學士皇太子諸王侍讀武官

充禁軍職事並不常朝參其在三館等諸職掌者並

朝參訖各歸所務是年御史中丞竇參奏常參文武

官準令每日參自艱難以來遂許分日待戎事稍平

即依常式其武官準令五品以上每月六參三品以

上更加三參頃並停廢今請準令却復舊儀十三年

御史臺奏諸司常參文官隔假三日以上並以橫行

參假其武班每月先配九參六參九參謂一月九次六參謂一月六次

今後每經三節假滿縱不是本配入日並依文官例

橫行參假以上唐會要後唐同光二年四方館奏今後除

隨駕將校及外方造奉專使文武兩班三品以上官

可於內殿對見其餘並詣正衙從之天成元年御劄

賜文武百僚每日正衙常朝外五日一赴內殿起居

每月朔望日賜廊下食唐室承平時常參官每日朝

退賜食謂之廊餐自乾符亂離罷之惟月旦入閣口

賜食明宗卽位諫官請文武百僚五日一起居見帝於便殿李琪以爲非故事以五日爲繁請每月朔望日入閣賜廊下食罷五日起居之儀至是宣旨朔望入閣外五日一起居以爲常天成年敕今後若遇不坐正殿日未御內殿前便令閣門使宣不坐放朝班退是年御史臺奏凡新除官及差使者合於正衙謝辭每遇內殿起居日百官不於正衙敘班其差使及新除官辭謝不令參謝每內殿起居日百僚先敘班於文明殿庭候辭謝官退則班入內殿從之晉天

福二年中書門下奏在內廷諸司使等每除正官請

令赴正衙謝後不赴常朝其京官未陞朝官祇赴朔

望朝參從之以上五代會要國朝諸在京文武陞朝官每日

朝其有制免常朝者五日一參起居國朝令文按唐制文

武職事官並赴常參武班五日一參又有三日一參

五日參并朔望爲六參三日參乃九參所謂常參官未有無職事者由

後唐同光中乃分常朝內殿凡隨駕將校外方進奉

使文武三品以上官卽於內殿對見其餘並詣正衙

至天成初詔文武百官每日常朝外五日一赴內殿

起居其趨朝官遇宣不坐放朝各退歸司本朝視朝之制文德殿日外朝凡不釐務朝臣日赴是謂常朝垂拱殿曰內殿宰臣樞密使以下要近職事者并武班日赴是謂常起居每五日文武朝臣釐務令釐務並赴內朝謂之百官大起居是則奉朝之制自為三等蓋天子坐朝莫先於正衙殿於禮群臣無一日不朝者故正衙雖不坐常參官猶立班俟放朝乃退唐有職事者謂之常參今隸外朝不釐務者謂之常參

唐日御宣政設殿中細仗兵部旂旛等於廷朝官退皆賜食自開元後朔望宗廟上牙槃食明皇意欲避正殿遂御紫宸殿喚仗入閣門遂有入閣之名在唐時殊不為盛禮唐末常御殿更無仗遇朔望特設之趨朝者仍給廊下食所以鄭谷輩多形於詩詠嘆美而五代行之不絕祖宗數御文德殿行入閣禮熙寧二年予被詔修閣門儀制以為文德入閣非是當喚仗御紫宸殿請下兩制與太常議之學士承旨王公珪等以為入閣是唐日坐朝之儀不足行詔削去其禮予與閣門諸君因請如唐御宣政禮量設仗衛御

之詔乃可今朔望御文德殿始於此也閣門有舊入
閣圖頗約其禮而簡便之凡文武官百人執仗四百
人其五龍五鳳五嶽五星旗御馬皆立殿門之外舊
制凡連假三日而著於令者宰相至陞朝官盡赴文
德殿參假謂之橫行次日百官仍赴內殿起居近年
連假後多便起而廢橫行之禮

吏部流內銓每除官皆云權判正衙謝復正謝前殿
引選人謝辭繇唐以來謂之對剔判銓與選人同入
起居畢判銓於殿廷近北西嚮立選人謝辭訖出判

銓官亦謝而出近止令選人門謝辭判銓不復入
魏野居於陝郊其地頗有水竹之勝客至必留連飲
酒真宗時聘召不起天禧中卒贈祕書省著作郎野
子開有父風皇祐中天章閣待制李公昭遇守陝言
於朝賜號清逸處士

古者將葬請謚以易名近世多豪殯或已葬而請謚
唐獨孤及謚郭知運而右司員外郎崔夏以爲知運
葬已五十年今請易名竊恐非禮及以爲請謚者五
家皆在葬後苗大師一年呂諲四年盧奕五年顏杲

通鑑綱目 卷之四
卿八年獨知運遂以過時見抑且八年與五十年其
緩一也舉奪殊制不可遂謚知運曰威

國朝以來博士爲謚考功覆之皆得濡潤慶曆八年
有言博士以美謚加於人以利濡潤有同納賂有詔
不許收所遺於是舊臣之孫競來請謚旣而禮院厭
其類遂奏釐革嘉祐中李尚書維家復來請謚博士
呂縉叔引詔以罷之

唐制兼官三品得贈官如韓文公曾爲京兆尹兼御
史大夫後終吏部侍郎而贈禮部尚書是也又觀察
使多贈兩省侍郎以就三品得謚國初以來惟正官
三品方得謚兼官贈三品不得之真宗命陳彭年詳
定遂詔文武官至尚書節度使卒許輟朝贈至正三
品許請謚而史失其傳實元中光祿卿知河陽鄭立
卒而輟朝非故事也

上元然鐙或云沿漢祠太一自昏至晝故事梁簡文
帝有列鐙賦陳後主有光壁殿遙詠山鐙詩唐明皇
先天中東都設鐙文宗開成中建鐙迎三宮太后是
則唐以前歲不常設本朝太宗時三元不禁夜上元

御乾元門中元下元御東華門後罷中元下元二節而初元游觀之盛冠於前代

周禮四時變國火謂春取榆柳之火夏取棗杏之火季夏取桑柘之火秋取柞櫛之火冬取槐檀之火而唐時惟清明取榆柳火以賜近臣戚里本朝因之惟賜輔臣戚里帥臣節察三司使知開封府樞密直學士中使皆得厚贈非賜例也

唐曲江開元天寶中旁有殿宇安史亂後盡圮廢文宗覽杜甫詩云江頭宮殿鎖千門細柳新蒲爲誰綠因建紫雲樓落霞亭歲時賜宴又詔百司於兩岸建亭館太宗於西郊鑿金明池中有臺謝以閱水戲而士人游觀無存泊之所若兩岸如唐制設亭卽踰曲江之盛也

太宗時建東太一宮於蘇邨遂列十殿而五福君綦二太一處前殿冠通天冠服絳紗袍餘皆道服霓衣天聖中建西太一宮前殿處五福君綦大遊三太一亦用通天絳紗之制餘亦道冠霓衣熙寧五年建中太一宮內侍主塑像乃請下禮院議十太一冠服禮

院乃具兩狀一如東西二宮之制一請盡服通天絳紗會有言亳州太清宮有唐太一塑像上遣中使視之乃盡服王者衣冠遂詔如亳州之制
綠髻器始於王冀公家祥符天禧中每爲會卽盛陳之然製自江南頗質朴慶曆後浙中始造盛行於時
嘉祐初兗國公主降李瑋時少師歐陽公長禮臺與諸博士折衷婚禮頗放古制治平中邵不疑以知制告權知諫院請選官撰本朝冠喪祭之禮乃詔禮院詳定遂奏請置局於本院不許因循寢之

皇祐二年七月李侍中用和卒詔輟視詔下禮院乃檢會李繼隆例院吏用印紙申請自二十一日至五日輟朝而二十四日太廟孟饗在輟朝之內同知院范侍郎鎮引春秋仲遂卒猶緇請罷饗判寺宋景文以日遽集議不及止之會緇見大中祥符三年四月敕石保吉卒輟四日五日七日朝三日其六日太廟孟饗已是大祠不坐又二十六日宣祖忌行香奉慰予時同知院欲請移輟二十七日朝判寺王原叔言與申請反覆遂亦止

歐陽少師提總修太常因革禮遣姚子張闢見問

太祖建隆四年南郊改元乾德是歲十一月二十九

日冬至而郊禮在十六日何也乃檢日曆其赦制云

律且協於黃鍾日正臨於甲子乃避晦而用十六日

甲子郊也及修實錄以此兩句太質而削去之遂失

其義皇祐二年當郊而日至復在晦宗袞遂建明堂

之禮

張唐公言徐常侍謫邠州時柳仲塗開為守頃之鄭

仲賢文寶為陝西轉運使鄭即騎省門人也到官即

來致謁而仲塗郡務不舉頗憚其來乃先懇於徐公

鄭既謁見徐曰柳侯甚奉畏鄭翌日而還

列子廟在鄭州圃田其地有小城貌甚古相傳有唐

李德裕王起題名而前輩畱紀甚多景祐中王文惠

公為章惠太后園陵使還請增葺之於是舊迹都盡

今其榜陳文惠之筆

孟州汜水縣有武牢關城城內有山數峰一峰

唐昭武廟按李德裕會昌一品集載昭武廟乃堯

太宗塑像今殿內有二人立而以冠傳付之觀或云

失二帝塑像而但存侍者故也

李文正公罷相爲僕射奉朝請居城東北隅昭慶坊去禁門遼遠每五鼓則興置白居易集數冊於茶鐺中至安遠門仗舍然燭觀之俟啟鑰則赴朝雍熙二年三月詔中書申後兩棒鼓出樞密院申後四棒鼓出

開寶六年六月敕參知政事薛居正呂餘慶於都堂與宰臣趙普同議公事是月又敕中書門下埤班知印及祠祭行香今後宜令宰臣趙普與參知政事薛居正呂餘慶輪知既而復有登革

雍熙四年文德殿前始置參政埤位在宰相之後至道中寇萊公爲參知政事復與宰臣輪日知印正衙埤班其埤位遂與中書門下一班書敕齊列衙街衢並馬宰相使相士事并有公事並升都堂及萊公罷遂詔只令宰臣押班知印參政止得輪祠祭行香正衙埤位次宰臣之下立凡有公事並與宰臣同升都堂如宰臣使相上事卽不得升

景德四年六月敕臣僚自外到闕及在京主執如有

公事並日逐於巳時以前中書密院聚廳相見其後復分廳見客慶曆八年禁止之如景德之制

太宗製笏頭帶以賜輔臣其罷免尚亦服之至祥符

中趙文定罷參知政事為兵部侍郎後數載除景靈

宮副使真宗命廷賜御仙花帶與繡鞵遂服御仙帶

自後二府罷者學士與散官通服此帶遂以為故事

予親見蔡文忠罷參知政事為戶部侍郎服此帶蓋

曾為學士用詔文金帶曾經賜者許繫之

先公為翰林及侍讀兩學士清災荅職為中書舍人仍舊服金帶傳例皆如此景祐三年八月方著詔其宰相罷

免雖散官並依舊服笏帶李文定天聖中自祕書

監來朝除刑部侍郎並服笏帶近有罷參政者黑帶

佩魚而入非故事也入兩府自黑帶賜笏帶者太

宗朝例甚多祥符中張文節自待制為中丞而參政

事天聖中姜侍郎自三司副使為諫議大夫而樞密

並賜如上

春明退朝錄卷中終

春明退朝錄

卷中

五

春明退朝錄卷下

京城士人舊通用青絹涼繖大中祥符五年九月惟許親王用之餘並禁止六年六月始許中書樞密院依舊用繖出入

丁晉公天禧中鎮金陵臨秦淮建亭名曰賞心中設屏及唐人所畫袁安卧雪圖時稱名筆後人以蘆鴈圖易之嘉祐初王侍郎君玉守金陵建白鷺亭於其西皆棟宇軒敞盡覽江山之勝

唐成都府有散花樓河中有薰風樓綠莎廳揚州有

賞心亭鄭州有夕陽樓澗州有千巖樓今皆易其名或不復見

祕府書畫予盡得觀之二王真蹟內三兩卷有陶穀尚書跋尾者尤奇其畫梁令瓚二十八宿真形圖李思訓著色山水韓滉水牛東丹王千角鹿其江南徐熙唐希雅蜀黃筌父子畫筆甚多

王祁公家有晉諸賢墨蹟唐相王廣津所寶有永存珍祕圖刻闡立本畫老子西昇經唐人畫鎖諫圖王冀公家褚遂良書唐太宗帝京篇太宗見祿東贊步

輩圖錢文僖家書畫最多有大令黃庭經李邕雜蹟錢宜靖家王維草堂圖周安惠家獻之洛神賦蘇侍郎家魏鄭公諫太宗圖楚樞密有江都王馬王尚書

仲儀有回文織錦圖

以上皆錄見者

揚州后土廟有瓊花一羽或云自唐所植卽李衛公所謂玉蘂花也舊不可移徙今京師亦有之近人有收漢祖過沛圖者畫蹟頗佳而有僧爲觀者所指翌日並加僧以幅巾

金閣老王勝之轉運兩浙於民家得唐沈旣濟所撰

劉展亂紀一卷時唐書已成所載展事殊略按展上
元元年爲宋州刺史與御史中丞李銑皆副淮西節
度使王仲昇銑貪暴無法而展性剛鯁不折王仲昇
奏銑狀而誅之次謀及展然展居睢陽有兵權難亟
圖乃與監軍使邢延恩矯詔以展爲都統江南淮南
節度防禦使代李暉欲其赴鎮於塗中執之也展頗
以爲疑遣使請符節於暉既得之悉舉睢陽兵七千
人赴廣陵延恩始約李暉與淮南東道節度使鄧景
山圖展及事露傳檄州郡言展反狀發兵距之展亦
露布言李暉反而南北警急文檄交馳於道景山渡
淮陳於徐城洪爲展所敗又破李暉於下蜀二年命
田神功舉平盧軍東下展迎擊爲神功再破之遂棄
廣陵而奔江南以舟師自金山引闔神功有五船而
展殺其二船後爲賈隱林射展中目因而斬之傳首
京師收器械三千餘萬展旣平租庸使元載以吳越
雖兵荒後民產猶給乃辟召豪吏分宰列邑以重歛
之其州縣賦調積有逋違乃稽諸版籍通校大數八
年之賦舉空名以歛之其科率之例不約戶品之上

下但家有粟帛者則以人徒圍襲如擒捕寇盜然後簿錄其產而中分之甚者七八九時人謂之白著言其厚歛無名其所著者皆公然明白無所嫌避一云世人謂酒酣為白著既為刻薄之後人不堪其困弊則必顛沛醕酖如飲者之著也劉晏傳中與此亦有白著差異渤海高云有白著歌曰上元官吏務剝削江淮之人多白著其所紀用兵次第甚詳此槩舉之云

賈直孺在翰林建言皇子不當為檢校師傅乃詔止除檢校太尉

九宮貴神始天寶初術士蘇嘉慶上言請置壇明皇親祠及王珣為相又勸肅宗親祠大和中監察御史舒元輿論列遂降為中祀會昌中李德裕為相復為大祀宣宗時又降為中祀乾符中宰相崔彥昭因歲旱禱兩獲應又升為大祀

宋袞言世傳魏鍾繇表云癘憤怒之眾癘非可通勉勵之意恐古人借使又疑其誤

宰相三入者趙中令太祖朝初相太宗朝兩入呂文穆太宗朝再相真宗朝一入呂許公張鄧公仁宗朝

皆三人

學士三人李正文劉中山子儀

中山三人王堂集云三人翰林皆詩詔楊

昭慶宣召入院其舉自代皆宣獻公

宋景文范景仁四入李邯鄲五入

而一不拜

建隆三年十二月班簿二百二十四員文班一百五

十四人內南班一百一十人兩省二十七人學士三

人留司十人武班七十四人內留司一十一人

梁開平二年南郊執儀仗兵士二千九百七十人建

隆四年郊兵部執儀仗兵士一萬三千六十人太常

寺鼓吹等二千六百四人太僕寺推駕兵士六百八

十二人六軍執擊人員兵士五百五十二人左右金

吾街仗各一百五十二人左金吾仗三百五十八人

右金吾仗三百五十九人殿中省押番人員并執擊

兵士共五百三十一人司天臺一百六十二人八司

都四千三百七十三人合兵部二萬七千四百三十

三人

予家有范魯公雜錄記世宗親征忠正駐蹕城下嘗

中夜有白虹自淝水起亘數丈下貫城中數刻方没

自是吳人閉壁踰年殍殍者甚衆及劉仁瞻以城歸遷州於下蔡其城遂蕪廢又曰江南李璟發兵攻建州王延政有白虹貫城未幾城陷舍宇焚蕪殆盡又曰近朝皇太后皇后皆有印篆文曰皇太后之印皇后之印故事二宮立各有宮名長秋長樂長信之類是也宜以宮名爲文至尊之位亦不合言印當云某宮之寶

又曰近世諸王公主制中稱皇子皇弟皇女疑皇字相承爲例止合云第幾子第幾弟第幾女云

又曰江南有國時田每十畝蠲一畝半以充瘠薄

又曰罰俸例一品八貫二品六貫三品五貫四品三貫五百五品三貫六品二貫七品一貫七百五十八品一貫三百九品一貫五十

又曰上古以來逐朝曆名黃帝起元用辛卯曆顓帝用乙卯曆虞用戊午曆夏用丙寅曆成湯用甲寅曆周用丁巳曆魯用庚子曆秦用乙卯曆漢用太初曆四分曆三統曆魏用黃初曆景初曆晉用元

正字犯聖祖名

始曆合元萬分曆宋用大明曆元嘉曆齊用天保曆

同章曆正象曆後魏用興和曆正元曆正象曆梁用
 大同曆乾象曆永昌曆後周用天和曆丙寅曆明元
 正字犯曆隋用甲子曆開皇曆皇極曆大業曆唐用
 聖祖名曆麟德曆神龍曆大衍曆元和觀象曆長慶宣
 明曆寶應曆正元曆景福崇元正字犯聖祖名曆晉天福用
 調元曆周顯德用欽天曆云本朝太祖用應天曆太
 宗用乾元曆真宗用宍天曆仁宗用崇天曆英宗用
 明天曆已而復用崇天曆大貫正曆四品
 忠懿錢尚父自國初至歸朝其貢奉之物著錄行於

時今大宴所施塗金銀花鳳後猊壓舞茵蠻人及銀
 裝龍鳳鼓皆其所進也凡獻銀絹綾錦乳香金器瑋
 瑁寶器通天帶之外其銀香龍香象獅子鶴鹿孔雀
 每集皆千餘兩又有香囊酒斝諸什器莫能悉數祥
 符天聖經火多蕪去今太常有銀飾鼓十枚尚存
 外臣除節度使景德前止舍人院作制楊文公外制
 集議潘羅支厮鐸督朔方軍節度數制是也其後遂
 學士院降麻如大禮加恩在將相後數日方下然不
 鎖院不宣麻近年遂同將相例鎖院告廷矣

通鑑卷一百一十一
交州進奉使舊多遣兵馬使或攝管内刺史或靜海節度賓幕之職及其歸多加檢校官或就遷其職如行軍司馬副使之類近皆自稱王官又以王官命之尚書省舊制尚書侍郎郎官不得著鞞鞬過都堂門唐兵部吏部侍郎郎官選限內不朝今審官東西院三班院皆預內朝而流內銓止趨五日起居疑循舊制也

丁帝公馮魏公位三公侍中而未嘗冠貂蟬杜祁公相甫百日當慶曆四年郊祠貂冠公袞又升輅奉冊改謚諸后

杜祁公罷相知宛州寓北郊佛寺以待宛州接人踰再浹日會宋衮自汝陽召還過其寺造謁而杜公曰處此幾與在中書日同矣旦暮北去欲識壁云淳汾陽曾留此蓋自戲其居位不又也

杜祁公休退居南都客至無不見止服衫帽嘗曰七十致政可用高士服乎

唐宰相奉朝請卽退延英止論政事大體其進擬差除但入熟狀畫可今所存有開元宰相奏請狀二卷

鄭畋鳳池豪草內載兩為相奏擬狀數卷祕府有擬
狀注制十卷多用四六紀其人履歷性行論請皆宰
相自草五代亦然寇萊公謂楊文公曰予不能為唐
時宰相蓋嬾於命詞也今中書日進呈差除退即批
聖旨而同列押字國初范魯公始為之

李西樞憲成為知制告尚衣緋出守荆南召為學士
閣門舉例賜金帶而不可加於緋衣乃并賜三品服
太宗命製毬路笏帶賜輔臣後雖罷免亦服焉趙文
定罷參知政事頃之除景靈宮副使賜以御仙帶自

後罷宰相仍服笏帶罷參樞皆止服御仙帶

江南有清輝殿學士張公洎為之蜀有麗文殿學士
韓昭為之今契丹有乾文閣待制

皇后有謚起於東漢自是至于隋皆單謚光烈陰皇
后明德馬皇后和熹鄧皇后文獻獨孤皇后是也史
家取帝謚冠其上以別之如云光烈皇后陰氏明之
德皇后馬氏也非謂欲連帝謚而名之也然則質家
尚單文家尚複後世或用複謚如唐正正字犯仁觀宗嫌名
中長孫皇后謚文德後太宗謚文皇帝文德自是複

謚其議自用二名偶同太宗之謚爾中宗謚孝和趙氏謚和思言取帝謚配之其後昭成肅明无獻章欽正字犯翼獻真昭德莊憲諸后皆不連帝謚國初追祖廟諱尊四廟三祖之后冠以帝謚及杜太后崩始謚明憲未幾欲同三祖之后遂改昭憲及太祖諸后自連孝字太宗后連德字真宗后連莊字皆用複謚非連帝謚為義慶曆中乃言孝字連太祖謚德字連太宗謚逐改為章以連真宗謚且祖宗謚號皆十餘字豈止配一字為義又太祖功烈豈專以孝稱太宗后連德字乃在下文與祖宗后謚文不對可如東漢諸后舉之乎皇祐中予為禮官龍圖閣直學士趙周翰奏議甚詳下禮院時新以章易莊朝廷以宗廟事重不欲數更張遂寢其所奏

祖宗朝使相節度使未嘗有領京師官局者其奉朝請必改他官多為東宮三少上將軍統軍趙中令以使相自河陽還除太子少保至明道中錢相始為景靈宮使治平中武康節度李公端愿始為醴泉觀使至和中仁宗疾平以太宗至道年升遐深惡其年號

趣詔中書改之是歲以郊爲恭謝天地改元曰嘉祐
宋景文言大小孤山以孤獨爲字有廟江孺乃爲婦
人狀龍圖閣直學士陳公簡夫留詩曰山稱孤獨字
廟孺女郎形過客雖知誤行人但乞靈時稱佳句
太祖時大卿監卒皆輟朝一日景德以前文武官贈
三品皆不得謚曾任三品官乃得謚真宗大中祥符
中命陳文僖公彭年重定以正三品尚書節度使卒
始輟朝贈尚書節度使許定謚自後遵用其制而日
曆實錄國史皆遺其事

尚父錢忠懿王自太祖開基貢獻不絕帝以其恭順
待之甚厚及討江南命爲昇州東南面行營招撫制
置使屢獻戎捷及拔常州拜守太師依前尚書令兼
中書令吳越國王又親赴行營帝益嘉之詔令歸國
江南平亟請入覲許之旣至會太祖幸洛陽郊裡西
駕有日矣詔趣其還忠懿臨別面敘感戀願子孫世
世奉藩太祖謂曰盡吾一生盡汝一生令汝享有二
浙也忠懿以帝賜重約旣得歸喜甚以爲太保其國
矣是歲永昌鼎成後二年來朝遂舉版籍納王府焉

唐王及善曰中書令可一日不見天子乎太祖開寶九年以中外無事始詔旬假日不坐然其日輔臣猶對於後殿問聖體而退至道三年三月二十九日旬假是日太宗猶對輔臣至夕帝崩李南陽永熙挽詞曰朝馮玉儿言猶在夜啟金縢事已非時稱佳作至真宗時旬假輔臣始不入寶元中西事方興假日視事慶曆初乃如舊

唐白文公自勒文集成五十卷後集二十卷皆寫本寄藏廬山東林寺又藏龍門香山寺高駢鎮淮南寄

語江西廉使取東林集而有之香山集經亂亦不復存其後履道宅爲普明僧院後唐明宗子秦王從榮又寫本寘院之經藏今本是也後人亦補東林所藏皆篇目次第非真與今吳蜀摹版無異

夏鄭公爲宣徽使忠武軍節度使自河中府徙判蔡州道經許昌時李郾鄆爲守乃徙居他所空使宅以待之夏公以爲知體

凡公家文書之橐中書謂之草樞密院謂之底三司謂之檢今祕府有梁朝宣底二卷卽正

正字犯在明宗嫌名

中崇政院書也檢卽州縣通稱焉

祖宗時宰相罷免唯趙令得使相餘多本官歸班參
樞亦然天禧中張文節始以侍讀學士知南京天聖
中王文康以資政殿學士知陝州自慶曆後解罷率
皆得職焉

祖宗時唯樞密直學士帶出外任李尚書維罷翰林
爲集賢院學士知許州劉中山子儀自翰林爲臺丞
李憲成以翰林權使三司皆漸出並以樞密直學士
劉知穎州李知洪州蔡文忠以翰林兼侍讀兩學士

改龍圖閣學士知密州自翰林改龍圖而出藩繇文
忠始也近歲率帶侍讀及端明學士邢公昂以侍讀
學士知曹州孫宣公亦以侍講知兗州二公皆久奉
勸講遂優以其職補外自張文節以舊輔臣帶侍讀
出守至寶元年梅公詢始以侍讀學士知許州侍讀
帶外任自梅公始也其後翰林出者率皆換此職
晁文元公天禧中自翰林承旨換集賢院學士判西
京留臺吳正肅公皇祐中以資政殿學士李少師公
明嘉祐中以龍圖閣直學士並換集賢判西臺近歲

皆以禁職分臺

太宗命創方圖毬路帶亦名笏頭帶以賜二府文臣
明道初張徐公爲樞密使兼侍中獨得賜之皇祐初
李侍中用和以叔舅斬賜時王侍中貽永爲樞密使
遂并賜之其後曹侍中亦以叔舅而賜焉

文穆王冀公天聖初再爲相既拜命謝恩卽請詣景
靈宮奉真殿朝謝真宗皇帝冀公仍以五百千建道
場託先公爲齋文其略曰奉諱之初謝病於外臨西
宮而莫及企南狩以方遙失其本餘不盡記自後二

府初拜恩入謝卽詣景靈宮蓋踵冀公故事也

凡拜職入謝多有對賜拜官加勳封謝恩雖二府亦
無有景德初王冀公以參知政事判大名府召還加
邑封時契丹方講好真宗欲重其事冀公入謝特命
以衣帶鞍馬賜之自後二府轉官加階勳封邑入謝
並有對賜

慶曆四年賈魏公建議修唐書始令在館學士人供
唐書外故事二件積累旣多乃請曾魯公掌侍郎唐
卿公釐附於本傳五年夏命四判館二修撰刊修時

王文安宋景文楊宣懿今趙少師判館閣張尚書余尚書安道爲修撰又命編修官六人曾魯公趙龍閣周翰何密直公南范侍郎景仁邵龍閣不疑與子而魏公爲提舉魏公罷相陳恭公不肯領次當宋元憲而以景立爲嫌乃用丁文簡丁公薨劉丞相代之劉公罷相王文安代之王公薨曾魯公代之遂成書初景文修慶曆編敕未暇到局而趙少師請守蘇州王文安丁母憂張楊皆出外後遂景文獨下筆久之歐少師領刊修遂分作紀志魯公始亦以編敕不入局周翰亦未嘗至後辭之公南過開封幕不疑以目疾辭去遂命王忠簡景彛補其缺頃之呂縉叔入居劉仲更始修天文曆志後充編修官將卒業而梅聖俞入局修方鎮百官表嘉祐五年六月成書魯公以提舉日淺自辭賞典唯賜器弊歐宋二公范王與金皆遷一官縉叔直祕閣仲更崇文院檢討未謝而卒聖俞先一月餘卒詔官其一子初編修官作志草而景彛分禮儀與兵志探討唐事甚詳而卒不用後求其本不獲縉叔欲作釋音補少遺逸事亦不能成

太尉舊在三師之下。繇唐以來，以上公爲重。李光弼自司空爲太尉，薨贈太保。郭子儀自司徒爲太尉，薨贈太師。李德裕自司徒爲太尉，皆以超拜。李載義自司徒爲太保，王智興自司徒爲太傅，二人府具贈太尉。是以上公寵待，宗臣餘雖有功，可遷保傅而掌武之尊，不可得也。五代至國初，節度使皆自檢校太傅遷太尉，太尉遷太師，然無升秩明文。北都使宅舊有遷馬廳，按唐韓偓使云：外使進鷹，初得按中官過馬，不教嘶。注云：上每乘馬，必中官馭以

進謂之過馬，旣乘之，蹶斯鳴也。蓋唐時方鎮亦倣之，因而名廳事也。

唐明皇以諸王從學，名集賢，跽學士徐堅等討集故事，兼前世文辭，撰初學記。劉中山公子儀愛其書曰：非止初學，可爲終身記。

二府舊以官相壓。李文正自文明殿學士、工部尚書爲參知政事，而宋惠安公乃自左諫議大夫參知政事遷刑部尚書，居其上。至祥符末，王沂公與張文節公同參知政事，王轉給事中，張轉工部侍郎而班沂

公下意頗不悅乃復還貳卿之命止以舊官優加階
邑自後第以先後入為次序

太宗詔諸儒編故事一千卷曰太平總類文章一千
卷曰文苑英華小說五百卷曰太平廣記醫方一千
卷曰神醫普救總類成帝日覽三卷一年而讀周賜
名曰太平御覽又詔翰林承旨蘇公易簡道士韓德
純僧贊寧集三教聖賢事迹各五十卷書成之贊寧
為首坐其書不傳真宗詔諸儒編君臣事迹一千卷
曰冊府元龜不欲以后妃婦人等事廁其間別纂彤

管懿範七十卷又命陳文僖公哀歷代帝王文章為
宸章集二十五卷復集婦人文章為十五卷亦世不
傳

樞密院問降宣故事具典故申院按今有梁朝宣底
二卷載朱梁正正字犯仁明三年四年事每事下有
月日云臣李振宣或除官差官或宣事於方鎮等處
其間有云宣頭宣命宣旨者梁朝以樞密院為崇政
院始置使以大臣領之任以政事正正字犯仁明年
是李振為使當時以宣傳上旨故名之曰宣而樞密

院所出文字之名也。似欲與中書敕並行。雖無所明見。疑降宣始自朱梁之時。晉天福五年改樞密院承旨爲承宣。亦似相合。其底乃底本也。繫日月姓名者。此所以爲底聞。今尚仍舊名。

熙寧七年
月十三日

或問今之敕起何時。按蔡卞獨斷曰。天子下書有四。一曰策書。二曰制書。三曰詔書。四曰戒敕。然自隋唐以來。除改百官必有告敕而從敕字。予家有景龍年敕。其制蓋須由中書門下省。故劉禕之云。不經鳳閣鸞臺。何謂之敕。唐時政事堂在門下省。而除擬百官

必中書令宣侍郎奉舍人行。進入畫敕字。此所以爲敕也。然後政事堂出牒布於外。所以云牒奉敕云云也。慶曆中。予與蘇子美同在館。子美嘗携其遠祖珣。唐時敕數本來觀。與予家者一同。字書不載勅字。而近世所用也。皇祐二。仁宗始祀明堂。范文正公時守杭州。而杜止獻致政居南都。蔣侍郎希魯致政居蘇州。皆年書體。康范公建言。朝廷部禮宣召元老舊德。陪位于廷。於是乃詔南都起杜公。西都起任安惠公。陪祀供帳都亭驛。以待焉。二公卒。不至加賜衣帶器。

選朝錄 卷一
弊賜一于出身自後前兩府致政者大禮前率有詔
召之然亦無至者禮畢皆賜衣帶器弊焉
本朝兩省清望官尚書省郎並出入重載官祖宗時
兩制亦同之王黃州罷翰林滁州謝上表云臣頭有
重戴身彼朝章是也其後祥符天禧間兩制並徹去
之非故事也祖宗時未有磨勘每遇郊祀等恩皆轉
官未滿二載者不轉官例加五階王黃州自知制告
未有勳便加柱國在滁州爲散郎自承奉郎加朝散
大夫階

宋僱後唐明宗之外孫漢太祖之駙馬歷累鎮節度
檢校太師同中書門下平章事有女十五人開寶皇
后最居長韓樞密崇訓寇萊公王武恭公皆其壻也
多享國封張尚書安道言嘗收得舊本道家奏章圖
其天門有三人守衛之皆金甲狀謂葛將軍掌旌周
將軍掌節其一志記嘉祐初仁宗夢至大野中如迭錯失
道左右侍衛皆不復見旣而遙望天際有旛幢車騎
乘雲而至輟乘以奉帝帝問何人荅何葛將軍也以
儀衛護送帝至宮闕乃寤後詔令宮觀設像供事之

於道書中求其名位然不得如圖之詳也

護送帝至宮闕乃寤後詔令宮觀設像供事之於道書中求其名位然不得如圖之詳也

至道二年十一月司天冬官正楊文鑑建言曆日六十甲子外更留二十年太宗以謂支于相承雖止於六十本命之外卻從一歲起首並不見當生紀年若存兩周甲子共成上壽之數使期頤之人猶見本年號令司天議之司天請如上旨印造新曆頒行可之本朝之制凡霈宥大赦曲赦德音三種自分等差宗

為言德音非可名制書乃臣下奉行制書之名天子自謂德音非也予按唐常袞集赦令一門總謂之德音蓋得之矣

太宗淳化五年日曆載上謂侍臣曰聽斷天下事直須耐煩方盡臣下之情昔莊宗可謂百戰得中原之地然而守文之道可謂懵然矣終日沈飲聽鄭衛之聲與胡樂合奏自昏徹旦謂之聒帳半酣之後置畎酒篋沈醉歟弓至夜不已招箭者但以物擊銀器言其中的與俳優輩結十弟兄每略與近臣商議事必

傳語伶人叙相見遲晚之由縱兵出獵涉旬不返於
優倡採雜之中復自矜寫春秋不知當時刑政何如
也蘇易簡書於時政曰上自潛躍以求多詳延故老
問以前代興廢之由銘之於心以為鑑戒上來數事
皆史傳不載秉筆之臣得以紀錄焉

唐日曆正

正字犯仁
宗嫌名

觀十年十月詔始用黃麻紙寫


詔敕又曰上元三年閏三月戊子敕制敕施行既為

永式比用白紙多有蟲蠹自今已後尚書省頒下諸

司及州下縣宜並用黃紙

魏志劉放孫資勸明帝召
司馬宣王帝納其言即以

黃紙令
放作詔



春明退朝錄卷下終

也蘇易簡書於時政曰上自潛躍以求多詳至有未
問以前代興廢之由銘之於心以為鑑戒上來數事
皆史傳不載秉筆之臣得以紀錄焉

唐日曆正正字犯仁觀十年十月詔始用黃麻紙寫

詔敕又曰上元三年閏三月戊子敕制敕施行既為
永式比用白紙多有漏竄自今已後尚書省頒下諸

黃麻紙州下縣宜並用黃紙魏志劉放孫資勸明帝召

